



Сулейман-Стальский райондин общественно-политический газет
1931-йисалай акъатзава

КУЬРЕДИН ХАБАРАР

№48 (26522)

Жуьмя, 25-ноябрь, 2022-йис
Газет гяфтеда садра акъатзава.
Маса гунин кьимет азадди я

ТЕБРИК

За «Сулейман-Стальский район» муниципальный райондин депутатрин Собранидин, администрациядин ва гьакъни жуван патай чи играми дидейриз абурун сувар - Дидейрин югъ риклин сидкьидай мубаракзава.

Дуьньяда виридалайни играми, истеклу, багъа дидедин твар чна гьамиша еке гьурметдив, дамахдив къазва. Чна чи уьмуьрда жезвай вири кьени ва гуьзел крар сифтени-сифте адан тварцихъ галаз алакьалу ийизва.

Чпин мегърибанвилелди, мергьметлувилелди, камаллувилелди, зегьметдал рикл хьуналди, акьалтзавай несилдин патахъай гьар йикъан кьайгьударвал чугуналди, дидейри-дишегълийри чи уьмуьрда гьамиша кьетлен чка къазва.

Заз кьехъ мягъкем сагьламвал, хушбахтлувал, гьар са квалле, хизанда еке бахтар, шадвал, исягьвал, берекат хьана кланзава.

«Сулейман-Стальский район» муниципальный райондин
Кьил С. Темирханов

27-ноябрь Дидейрин югъ я

Акьалт тийидай мани

Дидедайк шиир кьхин тавур шаир бажагъат ава. Яман юкьузни баладиз сифте панагъ диде я.

«Буба кьейила - садра, диде кьейила - иридра егим жедач»; «Агъзур халадайк са диде жедач» - ва са жерге маса мисалри дидедин дережа гьихътинди ятла хьсандиз лишанламишзава.

Дагъустандин халкьдин шаир Хуьруьг Тагъира дидедайк лагъанва:

*Ширин затлар гзаф ава дуьньяда,
Сад лагъайди вун я, диде, чан диде.
Кьенин юкьузни ама зи япара
Ви лай-лайдин назик, ширин ван, диде.
Дагъустандин халкьдин шаир Шагь-Эмир Мурадова мадни башкъадаказ лагъанва:
- Виридалай ширин алхиш нинди я?
- Дидедин, -
Чан лугъузвай баладиз.
- Виридалай туькьуьл кьаргъиш нинди я?
- Дидедин, -
Лянетзавай дьведиз...
- Вуж акатда баркалладик эллерин?
- Веледар, -
Гьурметзавай дидейриз...*

И куьруь царара шаирдилай «диде» гафунин манадин зурбавал саки вири те-рефрихъай ачухариз алакьнава.

Дидедайк мани Дагъустандин халкьдин шаир Расул Гьамзатова лап вини дережадиз хкажна. Шаирдин «Зи Дагъустан» ктабда дидедин образ кьилинбурукай сад яз гьатнава. Гуя шаир дуьньядин вири веледрин тварунихъай дидеяр хуьн патал эвер гуз рахазва.

А фикирар виридалайни хьсандиз шаирдин «Дидеяр хуьх!» поэмада гьатнава.

Лезги чалаз ам Дагъустандин халкьдин шаир Байрам Салимова элкьуьрна ва 1982-йисуз кьилдин ктаб яз Дагучпедгизда чагдай акьудна.

Кье зи гьиле гьа ктаб ава, за ам клелзава:

*А гафуниз буржлу я чун вирибур,
Зи мецивай кье гьа-гьа гаф хуьз жезвач.*



Райондин уьмуьр: мярекатар ва лишанлу вакъиаяр

Чемпионар гьазурдай майданар хьурай!

«Зи Куьреда акъатзава, гьар са югъ са сувар хьиз...» - ибур за регьметлу шаир, пиперхуруьнви Рамазан Каитован «Зи Куьре» шиирдай кьачунвай царар я. Гьакьикъатдани, Куьредин асул бине тир Сулейман-Стальский районда эхиримжи йисара гьар са югъ халис сувариз элкьезва, лишанлу мярекатар кьиле тухузва, цийи-цийи объектар ишлемишиз вахкузва, хуьрер, общественный территорияр дуьзмишзава, аваданламишзава.



Алатай гьафтеда Куьлан-Сталрин ва Вини-Сталрин хуьрера мини-футболдин цийи майданар шад гьалара ачухна. Ни лугъуда и югъ Куьреда сувар туш лагъана?!

18-ноябрь. Кьасумхуьруьхъай Куьлан-Сталар галай патахъ машинрин циргъ ахмиш жезва. Хуьруьн кланихъ

дин «Чун лекьер я» шиир клелна. Трибунадихъ райондин Кьил Саид Темирханов атана, ада хуьруьнвийриз мини-футболдин майдан ачухун райондин Собранидин депутатрин, администрациядин ва кьилди вичин патай мубаракна. Ам вичин рахунра госпрограмма уьмуьрдиз кечирмишунин сергьятра аваз район-

Республикада футбол вилик тухун региондин Кьил Сергей Алимович Меликован гуьзчивилик ква. И рекье районда хьсан, умудлу камар кьачунва. Абурукай сад хуьрера мини-футболдин майданар эцигун я. И кар районда давамни ийизва.

госпрограммадай мини-футболдин майдан эцигнавай чка ва цийи объект Россиядин, Дагъустандин, Сулейман-Стальский райондин пайдахрив, плакатрив, шарарив безетмишнава. Кьвалгъ хьанвай махлукъатдин, атанвай мугъманрин кьадар гзаф я.

«Сулейман-Стальский район» муниципальный райондин Кьил Саид Темирханов ва адахъ галаз атанвай жавабдар ксар школьникри, хуьруьн АСП-дин кьил Марат Исмаилова, хуьруьнвийри фуни-кьел гваз, цуьквер вугуналди ва милли авазривди кьаршиламишна.

Мини-футболдин цийи майдан ачухунин мярекат райондин аялрин яратмишунрин Квалле кардик квай рушарин дестеди «Дагъви рушарин кьуьл» тамарунилай башламишна.

Куьлан-Сталрин юкьван школадин 10-классдин ученик Амирхан Шагьпазова школьникрин, хуьруьн жегьилрин тварунихъай мярекатдин иштиракчийриз ва хуьруьнвийриз цийи объект мубаракна, 9-классдин ученица Саира Гуьлмегьамедовади Седагет Керимова-

да тухванвай кваллахрал, и карда меценат «Полоса» ООО-ди гузвай куьмекдални гегьеншдиз акъвазна, идай абуруз чухсагъул малумарна.

Тебрикдин келимаяр мярекатдал Куьлан-Сталрин хуьруьн поселенидин администрациядин кьил Марат Исмаиловни рахана, ада ихътин гуьзел имарат эцигунай ва поселенида аваданламишунин, эцигунрин, гьар са куьнив дуьзмишунин кваллахрай райондин Кьил Саид Мусиновичаз, администрациядиз риклин сидкьидай чухсагъул малумарна.

Райондин Кьил Саид Темирханов кьиле аваз гьурметлу ксари мини-футболдин майдан ачухунин шартлуни лишан тир яру лент атлана, багъа мугъманар алай аямдин вири истемешунрив кьадайвал эцигнавай цийи имаратдин кьенез гьахьна.

Цийи майдандин юкьвал эцигнавай тупуна райондин Кьил Саид Темирханова сифте кьуьл эцягъуналди, Куьлан-Сталрин ва Агъа-Сталрин командайрин

(Эхир 2-чина)

*Къарагъ кьвачел!
Кьенвайбур ва дирибур,
Адан вилик къарагъ тавун дуьз жезвач.
Вири къарагъ... Кьабул ая гьурметдив
И багъа гаф, кьвачин кьилел акъвазна.
Кьабул ая лайихлу тир гьурметдив,
Гьилер тарам авуна, кьил хкажна...*

И царар клелиз, зи риклел дагъвийрин лап куьгъне адет хкьезва. Чеб-чпихъ галаз мидявиле авай кьанлуьрини, эгер дидеди кьилелай фите хтлунна, абурун кьвачерик вегьейтла, женг акъвазарна, чпин гапурар кьакъара хутадай лугъуда.

Им бес дидедиз гьурмет авунин лишан тушни!

«Дидеяр хуьх!» - и гафари, шаир гьина аваз хьайитлани, рикле, руьгьда ван ийиз хьана. Амма уьмуьрдихъ вичин кьанунар ава: чилел атай кьванбур я геж - я фад сад хьфида. Дидеярни гьакъ я.

Диде рагъметдиз фейидакай Расул Гьамзатова хабар ам Японияда, Хиросима шегьерда авайла агакьна. США-дин геллегерри атомный бомбадин цай тур и шегьерда хирер гилалдини сагъ хьхьанвач. Ана гьилел лацу дурна кьунвай рушан памятникдиз килигиз, «Дурная» шиирдал чан атанвай легъзейра агакьай муькуь залан хабарди шаирдин рикл амайдалайни кьарсатмишна. «Дидеяр хуьх!» поэмани гьа рекьера арадал атанай.

Шаирдин кьарсатмиш хьайи рикляй атай царари кьени, гьа члавуз хьиз, хцидаказ ванзава:

*Диде, завай вун хуьз хьанач
уьткьемдиз,
Вучиз вун хуьз хьанач, на зун хвейила?
Сурун винел алгъана,
Юкь кьве кьатна,
Эверзава за дидейрин рухвайриз:
-Дуьньяда лап чехи ясдик акатда
Диде квахъай бала, пехьре чухвай
хьиз...*

Дуьньяда и ван вирибуруз хьанвайди хьиз я. Гила са шумуд йис я, ЮНЕСКО-дин кьаюмвилик кваз, Дидеярин международный югъ - сувар кьейдзава.

Асият Мирзалиева.

Ватанпересвал

Жуьрэтлувилай орден вахкана

Райондин администрацияда Донбасда махсус сержентимда игитвилелди телеф хьайи Росгвардиядин ефрейтор Рагым Тагирован хизандив Жуьрэтлувилай орден (Орден Мужества) вахкуниз талукьярнайва мьярекат кыле фена.



Ери-бине Чуьхверхурелай тир Росгвардиядин ефрейтор Рагым Тагиров гыле авай йисан февралдин вацра СВО-да кьулгьдинни женгинин везифаяр тамамардайла игитвилелди телеф хьана. Аскервилини буржи тамамардайла виктегвилер, кьегьалвилер кьалурунай адаз РФ-дин Президентдин Указдалди Жуьрэтлувилай орден (Орден Мужества) гана (кьейдалай гуьгьуниз).

Гьукуматдин награда райондин Кьил Саид Темирханова кьегьал хчин диде-буба Зарема ва Алаудин Тагироврив вахкана, абуруз башсагьлугьвал гана.

Орден вахкунин мьярекатда райадминистрациядин Кьилин заместитель Заур Кьагьриманова, военный комиссар Райзудин Женецова, Информагентстводин руководитель Гуллер Камиловади, ЦИИИ-Макьярин АСП-дин векилри иштиракна.

Текст кхьейди ва шикил ягьайди Х. Кьасумов я

Администрацияда

Аппаратдин совещанидал

Алай йисан 22-ноябрдин райадминистрациядин конференц-залда райондин Кьил Саид Темирханова аппаратдин нубатдин совещание кыле тухвана.

Совещанидал государстводин ва муниципальный кьуллугьар авунин Федеральный закон уьмурдин кечирмишун авай гьалдикай ДР-да авай МФЦ-дин ГАУ-дин Сулейман-Стальский райондин филиалдин директор Афисат Шагьмирзоевади, района АПК вилик тухунин муниципальный программа кылиз акьудзавай гьалдикай райондин хуьрун майишатдин ва суьрсетдин управленидин начальнидин заместитель Гьамидин Абдулкафарова гегьенш рахунар авуна.

И месэлайрай райадминистрациядин талукь кьуллугьарин руководителри, хуьрерин поселенийрин администрацийрин кыилери алава рахунар авуна.

Совещанидал район яшайишдинни экономикадин рекьярай вилик тухунин жуьреба-жуьре маса месэлайризни килигна.

Совещанидин негьяр муниципалитетдин Кьил Саид Темирханова кьуна. Ада совещанидал килигай месэлайрин важиблукь кьейдн, и рекьярай кьвалахар мадни хьсанардай меслятар кьалурна, талукь кьуллугьарин руководителриз тапшурьгар гана, абур кылиз акьудун вичин гуьзчивилик кьайди кьейдн.

Сятерни грамотаяр вахкана

Райондин администрацияда, пешекарвилини суварихь галаз алакьалу яз, муниципальный централизованный бухгалтериядин работникрив гьилин сятер ва Чухсагьулдин чарар вахкуниз талукьярнайва шадвилини мьярекат кыле фена.

Райондин Кьил Саид Темирханова яргьал йисарин намуслу ва гьакьисагь зегьметдай муниципальный централизованный бухгалтериядин руководитель Нисредин Тагировав райондин Гьурметдин грамота вахкана.

Райондин Кьилин Чухсагьулдин чарар централизованный бухгалтериядин пешекарар-бухгалтерар тир Фериди Тажибовади ва Залина Дадашевади вахкана.

Райондин Кьил Саид Темирханова пешекарриз бухгалтеррин югь ва наградаяр мубаракна, абурухь кьвалахда агалкунар хьана кьанзавайди лагьана.

Райондин уьмуьр: мьярекатар ва лишанлу вакьияр

Чемпионар гьазурдай майданар хуьрай!

(Эвел 1-чина)

арада мини-футболдай кьугьун башламыш хьана...

Кьулан-Сталрин хуьрай «Курьед суварик квай» райондин Кьил Саид Темирханов, депутатрин Собранидин председатель Штибег Мегьамедханов, райадминистрациядин Кьилин 1-заместитель Лацис Оруджев, Общественный палатадин председатель Алимет Мейланов, образованидин управленидин начальник Гьусейн Шихбабаев, администрациядин жавабдар работникар, общественный тешкилатринни райондин Информагентстводин векилар Вилин-Сталрин хуьруз фена, социальный, экономикадин ва маса рекьярай вилик фенвай-бурукай сад тир и хуьрун кылихь «Хуьрерин территорияр дурумлудаказ виликди тухун» госпрограммадин сергьятра аваз эцигнавай мини-футболдин майдан ачухунин мьярекатда иштиракна.

Акьваза хьы, хуьрун поселенидин администрациядин кьил Селим Казимова и мьярекатдиз виликамаз хьсандиз гьазурвилер акунва: цийи объект ва адан вилик квай майдан пайдахрив, плакатривни лозунгив, цуькверив безетмишнава, анлай кьавалри зурнейрай язавай авазар кьуд патаз чклизва. Гьакьикьатдани, ихьтин шад мьярекатар хас я райондиз!, - хиял физва рикьяй.

Райондин Кьил Саид Те-

социальный ва маса рекьярай тухванвай кьвалахрикай, эцигнавай объектрикай кьурелди лагьана.

Тебрикдин гаф райондин Кьил Саид Темирханов рахана.

- Гьурметлу Вилин-Сталрин хуьрун агьалияр ва мьярекатдин иштиракчияр!, - лагьана райондин Кьили. - Эхиримжи йисара



районда федеральный, республикадин, чкадин программайринни проектрин сергьятра аваз районда гьам эцигунрин, гьамни маса рекьярай хейлин кьвалахар кыле тухванва ва тухуз гьилени ава. Заз иллаки «Полоса» ООО-ди вири и рекьяриз гузвай кумек кьейд ийиз кьанзава. Республикада, гьатта Россиядин Федерацияда хуьрун майишатдин зурба и карханади кутунвай багьлар себегь яз райондывай федеральный программадик экечиз хьана. Идан негьяр чаз виридаз акьваза. Вилин-Сталдал



мирханова, райондин депутатрин Собранидин председатель Штибег Мегьамедханова, Общественный палатадин председатель Алимет Мейланова, Вилин-Сталрин хуьрун поселенидин администрациядин кьил Селим Казимова чпиз авунвай ихтибар кылиз акьудна: мини-футболдин майдандин виликай кутуннавай яру лент атлана.

Багьа мугьманар, хуьрунвиляр футболдин майдандин кьене патаз гьахьна. Райондин гьакимри цийиз ачухай объектдин кыле столар эцигна, халичар экаяна тукьлуьрнайва майдандал, хуьрунвиляр кьайдадик кваз эцигнавай скамейкайрал чкаяр кьуна.

Россиядин Гимн яна.

Хуьрун поселенидин администрациядин кьил Селим Казимова атанвай багьа мугьманар тебрикна, госпрограммаяр ва меценатрин, «Полоса» ООО-дин, райондин администрациядин патай хьайи кумек себегь яз эхиримжи йисара поселенида

ханован гафариз кьуват гун яз Вилин-Сталрин юкьван школадин рушарин дестеди кьул авуна.

Тебрикдин келимаяр гьаз мьярекатдал рахай райондин депутатрин Собранидин председатель Штибег Мегьамедханова ва Общественный палатадин председатель Алимет Мейланова

район патал авунвай гьаз баркаллу маса кьвалахрин хьиз, мини-футболдин майдан эцигунин меценат тир «Полоса» ООО-диз райондин Собранидин, общественный тешкилатрин ва вири районгьилирин патай чухсагьул малумарна. Мадни, абуру кьейд авурвал, хуьрун майишатдин ихьтин чьехи кархана муниципалитетдин мулкунал кардик кваз хуьни неинки районда социальный метлебдин объект эцигунин ва хуьрер аваданламишунин карда кумек гузва, гьакьни райондин бюджетдиз кьезвай кьазанжийрин кьадар артухарзава, кьвалахдин алава чкаяр арадал гьизва.

Ш. Мегьамедханован ва А. Мейланован гьахьлу гафариз кьуват гун яз Вилин-Сталрин аялрин бахчада тербия кьачузвай бицекри лагьай «Сталрин багьлар» мани мьярекатдин иштиракчийри гурлу капар ягьуналди кьаршиламышна.

Вилин-Сталвийриз мини-футболдин цийи майдан ачухун райондин Собранидин депутат Тажир Ярагьмедова, хуьрун поселенидин агьсакалрин Советдин член Абдулазиз Абдулазизова ва маса юлдашрини тебрикна.

Гуьгьунлай концертдин программа кьалурна. Райондин Куьтурадин дворецдин солист Зугьраб Мегьамедова лагьай «Сталар» мани, хуьрун аялрин бахчадин бицекри гьилера гьар рангарин яргь багьар аваз тамамарай «Хважамжам» кьул ва маса нумраяр мьярекатдин иштиракчийриз гьаз бегенмиш хьана.

Цийиз ачухай мини-футболдин майдандин юкьвалай кьачи яна туп варариз (воротадиз) ракьурналди, муниципалитетдин Кьил Саид Темирханова лагьай «Кьуй мини-футболдин и майданрикай чемпионар гьазурдай майданар хуьрай!» гафариз шериквал авун яз, мьярекатдин иштиракчийри гурлу капар яна.

Текст кхьейди ва шикилар ягьайди Хазран Кьасумов я

Агъамирзе Агъамирзоеван - 60 йис

Бахтлувилин рекъе авайди

Такабурлу ва къакъан дагъларай къил къачуна авахъзавай вацъуз акъвазун хас туш: ада, са куьнизни килиг тавуна, вичин ериш тирвал агъадалди еримишда. Инсандикайни гъа икI лугъуз жеда: адани, я вахтуниз, я хъугIалризни килиг тавуна, уьмуьрдин рехъ датIана давамда.

Ингъе, вичиз гъахълудаказ муаллимрин хуьр лугъузвай Курхуьрел дидедиз хъайи, республикадин, уьлкведин тIвар дубнядин майданда машгур авур алимарни шаирар акъатай Алкъвадрин хуьруьн юкъван школада физкультурадин муаллимвиле кIвалахзавай Агъамирзе Агъамирзоев уьмуьрда 60 йисан рекъиз фенва. Гъа рехъ гихътинди хъана?



А. Агъамирзоев 1962-йисан 16-ноябдиз Курхуьрел чпи яргъал йисара производствода гъакъисагъвилелди зегъмет ЧIугур Шайда Мирзобалаевичан ва Нурат Идрисовнадин чIехи ва гъуьрметлу хизанда дидедиз хъана.

Муьжуьд аял хъайи и хизанда къве аял гъвечIизамаз регъметдиз фена. Муькуь 6 аял диде-бубади халис зегъметкешар, гъвечIид-чIехид чидай инсанар яз уьмуьрдин шегъредал акъудна.

Курхуьруьн 1-нумрадин юкъван школада 8-класс акъалтIарай Агъамирзе 1977-йисуз 3. Батирмурзаеван тIварунихъ галай Хасавюртдин педагогвиллин училищедин физический культурадин отделенидик экечIна. Им дубшуьшдин кар тушир, гъикI лагъайтIа, зиринг гадади школада кIелдай йисара района къезил атлетикадай, волейболдай, путар хкажунай тухузвай спортдин акъажунра са шумуд йисуз кIвенкIвечи чкаяр къунай.

Спортдал машгур хъун, турнира иштиракун А. Агъамирзоева педучилищода кIелдай йисарани давамарна.

1980-йисуз педучилище акъалтIарай жегъил пешекарди вичин зегъметдин рехъ Аламишедин (Эминхуьруьн) юкъван школада физкультурадин муаллимвиле кIвалах авунаилай башламишна.

1981-йисан майдайдлай 1983- йисан майдайдлай А. Агъамирзоева КIварчагърин хуьре ачухай ял ягъунинни производстводин школьникрин лагерда тербиячи (воспитатель) яз, гугъуьнлай 3 йисуз Сардархуьруьн юкъван школада физкультурадин муаллим яз кIвалахна.

1986-йисалай инихъ Агъамирзе Шайдаевича Алкъвадрин юкъван школада вичин рикI алай пешедай кIвалахзава.

- Чи школадиз кIвалахал атай сифте йикъарилай Агъамирзе Шайдаевича вич физический культурадин рекъай хъсан чирвилер, алакунар авай муаллим, хъсан тешкилатчи, несигъатчи яз къалурна, - лугъуьза школадин директор Гъамид Рашидович Гъамидова. - Адан кIвалахдин негъиза яз школадин командалари ва къилдин жаван спортсменри района ва адалай къеце тухузвай турнира кIвенкIвечи чкаяр къазва.

А. Агъамирзоевахъ галаз авур суьгъбетдай малум хъайивал, алай вахтунда школада волейболдай, столдин теннисдай ва футболдай секцийри кIвалахзава. Школадин рушарин команда зональный турнирдин призер я.

Агъамирзе Шайдаевича школада спортдин рекъай вердишвилер гайи гадайрикай тIвар-ван авай спортсменар хъанва. Абурукай яз завай греппингдай Россиядин чемпион, жегъилрин арада MMA-дай Россиядин Кубокдин призер Имам Юсуфован, жегъилрин арада далу кIаникна штанга хкажунай Европадин ва дубнядин чемпионатрин призер Бугъадин Рамазанован, ушу-санъадай Дагъустандин чемпион, MMA-дин Комбатдай кубокдин призер, джигу-джитсудай Дагъустандин чемпион Камил Абдурагъманован ва масабурун тIварар къаз жеда.

А. Агъамирзоева чаз школадихъ галай

хъсандиз гъар са шейинив дубъмишнавай мини-футболдин майдан, гегъенш спортзал къалурна. Муаллим инанмиш я хъи, школадай гележегда машгур спортсменар мадни акъатда. Ина умуд кутаз жедай гадаярни ава, рушарни.

1993-йисуз Агъамирзе Шайдаевича Дагъустандин Гъукуматдин педагогвиллин институтдин физический культурадин факультетни (заочно) кIелна акъалтIарна.

Яргъал йисарин намуслу ва бегъерлу зегъметдай А. Агъамирзоев «РФ-дин образованидин Гъуьрметлу работник», «Дагъустан Республикадин образованидин отличник» лагъай гъуьрметдин тIварар гана. Мадни, адан «Дагъустан Республикадин лайихлу муаллим» тIвар гун патал документар талукъ идарадиз ракъурнава.

- Агъамирзе Шайдаевич района физический культурадин тарсар гузвай лап хъсан муаллимрин жергеда ава, - лагъана чаз райондин образованидин управленидин начальник Гъуьсейн Шихбабаева. - Тежрибалу муаллимди вичин девлетлу тежриба жегъилриз гузва. Мадни, Агъамирзе муаллимди района къезил атлетикадай тухузвай акъажунра судьявални ийизва. Гъакъикъатдани, Агъамирзе Шайдаевич вичи хъянавай пешедин устад я. Адан кIвалахдилау чун гъаф рази я, чна адал дамахзава.

Чаз малум хъайивал, А. Агъамирзоев, чешнелу муаллим, хъсан несигъатчи, общественник хъиз, туькIвей, хуьре-кIвале гъуьрмет авай хизандин къилни я. Ада вичин уьмуьрдин юлдаш Фариза Тажибовнадихъ галаз ферли 3 велед - 2 рушни 1 гада - тербияламишна. ЧIехи руш Сабинади Сийидрин хуьруьн фельдшервиллин-акушервиллин пунктунин заведующий яз, Индиради Къасумхуьрел вичин аптекада, гада Шайдади Санкт-Петербургда кIвалахзава.

Агъамирзе Шайдаевичан 60 йис тамам хъайи юкъуз школадин муаллимрин коллективди чаяр хъвадай са гъвечи межлисни къурмишнавай. Анални юбилардиз кIвалахдин юлдашри хуш келимаяр, тостар лагъана.

Школадин директор Гъ. Гъамидова мярекатдал Агъамирзе Шайдаевичав райондин образованидин управленидин, образованидин работникрин профсоюздин комитетдин ва школадин дирекциядин Гъуьрметдин грамотаяр, гъакни школадин муаллимрин коллективдин патай пишкешарни гана.

... «Ашкъидалди кIвалахал физвай ва шадвилелди кIвализ хкъезвай инсан бахтлу кас я», - лагъанай туькерин шаир Надым Хикмета. Зи фикирдалди, тамам 42 йисан къене ашкъидалди кIвалай школадиз кIвалахал физ-хуьквезвай Агъамирзе Шайдаевич Агъамирзоевни бахтлу кас я.

60 йисан юбилей мубарак авуналди, чаз лугъуз кIанзава: ви бахтлувилин рехъ яргъиди ва бегъерлуди хуьрай, гъуьрметлу Агъамирзе Шайдаевич!

Хазран Къасумов
Шикилда: А. Агъамирзоев

27-ноябрь Дидейрин югъ я

Гуьлселем дидедин уьмуьрдин рехъ

1962-йисуз Уьлу-Гъетягърин хуьре дидедиз хъайи зи аял вахтар хайи хуьре акъатна. Гъеле школадиз фидалди 5 йисан яшда аваз чIехи стхадин 12 ва виридалайни гъвечи стхадин 3 югъ тирла, чи буба - дах вахтсуздаказ регъметдиз фена.

Цицибар галай верч хъиз чун вири аял хъана ва хажалатди рикI атланвай дидедал аруш хъана жедай. Са тIимил вахт арадай фена, бубадин тIвар эцигнавай гъвечи стха са гъал кIвачел акъалтайла, регъметлу къуьуз Нурмет бубадин хиве кIвалин дердияр ва 6 аялдиз тербия гун гъатнавай. Диде «Мукътадиран» колхоздин маларин фермадиз дояркавиле кIвалахал фенвай.

1970-йисара «Мукътадиран» тIвар алай колхоздикай «Айдинбековский» совхоз арадал атана. ЧIехи стхадилау гатIунна чна дидедиз гъам кIвале, гъамни фермадал, калер ацаз, алафар гуз, михъвилер ийиз куьмекар гудай. Нурмет бубади, вичин суруз нур къурай, я Аллагъ, чаз диде кIвалахдилау хуькведалди дидедал, гъар са аялдиз къетIен фикир гудай.

Тарсар кIелайдалай къулуьх, чIехи гадаярни галаз, фу чрадай куьлер гъиз тамуз фидай. Зегъмет чIугвадай касдал баркаллани къведа лугъудай чаз дидеди, гъакI хуьни авуна.

Малдарвиле яргъал йисара, намуслувилелди зегъмет чIугунай ам са шумуд сеферда райондин, хуьруьн Советдин депутатвиле, 1980-йисуз ДАССР-дин Верховный Советрин депутатвиле хъяна. Югъ-ийф талгъана зегъмет чIугунай адан Зегъметдин Баркалладин 2 ва 3-дережайрин орденар, са шумуд медаль, Дагъустандин Верховный Советдин Президиумдин, КПСС-дин рай-

Гъар гъана чун хъайитIани яргъара,
Ви тIварцIелди, маякдал хъиз, хуькведа.
Ви лайлайдин ван ама зи япара,
Гъар са чIавуз ви муьгъуьббат екеда.

А. Камиллов



комдин патай грамотаяр ганва.

1982-йисуз пенсиядиз фенатIани, чи дидедин къайгъуьр къалин тир, адан хиве эвленмишдай сад хъиз агакънавай аялар авай. Четин зегъмет авай кIвалах ятIани, ада 1993-йисалди дояркавал авунай.

Вад аялди институтар ва сада техникум акъалтIарна. Гъар садакай чешнелу хизандин къилер хъана.

2011-йисуз чаз дидедални-бубавал авур, вичин чан эцигна чун хъейи, чи играми, ширин диде регъметдиз фена.

Ваз Аллагъди регъметар гурай, женнет къисмет хуьрай, чан диде!

Дубнядал жез хъайитIа, вири вун хъгин дидеяр хуьрай!

Вири дидейриз алуькзавай дидейрин югъ мубаракрай, къез чандин сагъвал, веледрикай рикIиз архайинвал хуьрай.

С. Баламетова

Яшлу диде — берекатдин бине

Зи макъала за Гъулангерек Ибрагъимовадин шириндин цIарарилай башламишда, вучиз лагъайтIа, ана зи уьмуьрдин са кIусуникай рахазва. Им акI лагъай гаф я хъи, хайи дидедин кIанивал гъиссдай мумкинвал заз къисмет хъанач, амма а кIанивал заз играми чIехи диде (баде) Санята гана.

Чаз идалай виликан девиррилай малум тирвал, кIвалин къул хуьзвайди, хизандин агъваллувилин къайгъуда авайди, веледриз ахлакъдин, марифатдин, намусдин, къагъриманвиллин тербия гузвайди, багърияр, тухумар сад ийизвайди дагъви дидегили, диде я.

Саняат диде 1938-йисуз Агъа-Хъартасрин хуьре Бейдулаеврин хизанда дидедиз хъана. Ам лап четин, каш авай Ватандин ЧIехи дядедин йисар тир. 1941-йисуз Ватандин ЧIехи дяде башламишайла адан буба Мирзобас хуьре жегъил паб, куьлуь аялар туна, фронтдиз рекъе гъатна ва гъана телефони хъана.

Хуьре 7-класс акъалтIарнавай 18 йиса авай жегъил руш гъуьлуьз фена. Вири четинвилериз дурум гана, кIвалин вири къайгъуьр галай-галайвал авуна, ва дидевиллин буржи лайихлувилелди къилиз акъудна, гъа са вахтунда колхоздани зегъмет чIугуна. Адан хизанда 11 аял хъана, абурукай 4 куьлуьзмаз азарлу хъана, регъметдиз фена, вад рушни къве гада сагъсаламат я.

1966-йисан залзала себед яз, ЦИИ хуьруьз куьч хъана. Уьмуьрдин юлдаш Зейнудин буба устIарни тир, мехъеррал физвай чIагъанчини. Совет гъукуматдин девир тир, халкъ эцигунрал, хуьруьн кIвалахрал машгур тир. Саняат дидеди бубадихъ галаз хуьруьн больницаяр, школаяр, ясли бахъаяр эцигдай вахтунда фялевиле кIвалахна.

Къайгъуьр, дердияр, зегъмет алай кIвалахар бул тиртIани, дидедини бубади чи кIелунризни манивал ганач. Чун школада лазим тир вири шейэралди таъминарна, кIвале кутугай шартIар тешкилна. Къе чун саки вири аялар къилин образование авай ва

Зун, диде, вахъ, вун акулнихъ
цIигел тир.

Амма зун вав, къисмет хъанач,
ахтакънач.

Агъузардин цIай багъишна
къисметди,

Хажалатдин таж къилелай алатнач.

Гъ. Ибрагъимов



гъар сад са кеспидин иесияр я. Ибур вири дидедин зегъметдин, алахъунрин, къастунин, веледар кIан хъунин, абур патал вичин чанни гъайиф татайвиллин гъунарар я. Абуру чаз чпин чешнедалди гайи зегъметдин, ахлакъдин, марифатдин тербияни фикирдай акъудна виже къведач. Чун гъар са вахтунда абуруз чешне жез, гузвай меслятрал амал ийиз, тапшурмишнавай крар тирвал къилиз акъудиз алахъна.

Алай вахтунда Саняат диде кефсуз я. Адан зайифвал акъаз жуван рикIиз са къадар гуж гузва. Камаллу ксари лагъайвал, дидедин рикI гъамиша гъалалвал жагъидай и къил а къил авачир гъуьл хъиз я. Дидейри, гъа гъисабдай яз зи дидедини, чал чIугур зегъмет алцумдай терез жагъидач. Я чалай чан аламаз абурув а зегъметдин са гъвечи пайни ахтакъариз жедач. Къуй зи дидедихъ ва амай вири дидейрихъ чандин сагъвал, яргъал йисар хуьрай.

Лена Саидова

Гъурбатда лезгивал хуьзвай газет

Газетар гзаф уьлквейра, гзаф члаларал акъатзава. Лезги члалал акъатзавай газетрин къадар са акъван гзаф туш. Гъавурда акъун лазим я: лезгийр Дагъустан Республикада гзаф яшамин жезва. Чахъ республикадин дережада акъатзавай общественно-политический «Лезги газет» ава. Лезги члалал газетар гъакни Сулейман-Стальский, Къурагъ, Мегъарамдхуррун, Ахцегъ ва Докъузпара района акъатзава, Ваь, идалди лезги члалал газетар акъатзавай чкайрин, гъатта республикайрин сиягъин акъалтI жезвач. Бес Азербайжан Республикада лезги члалал, вични гъукуматдин дережада «Самур» газет акъатун шадвалдай, дамахдай кар тушни?!

... Гъиле авай, акъатзавай йисуз «Самур» газетдин 30 йис тамам хъун кьейд авуна. Гъурбатда лезги члалал акъатзавай, лезгивал, лезги адетар, лезги кылих хуьзвай газетди!

Са гъвечин сейр ийин чна «Самурдин» тарихдиз. Гъукуматдин патай авай «сергъатризи» килиг тавуна Азербайжанда акъатиз башламишай газетдин сад лагъай редактор машгъур писатель Фейруз Бедаловакый хъанай. Ада газетдиз регъбервал гайи 8 вацран кьене газетдин 24 нумра акъатна. Гъуьуьлай редакторвиле искусстводин илимдин доктор Нуреддин Гъабибов тайинарна. Ада газетдин 21 нумра акъудна.

1997-йисалай «Самур» газетдин

редакторвиле Азербайжандилай къецени машгъурвал авай шаир, писатель, общественный деятель, таржумачи, композитор, художественный фильмайрин режиссер... Седагет Керимовади кваллахава. Адан кьетген бажарагъ, чалишмишвал себеб яз «Самур» газетдин тIвар неинки Азербайжанда, гъакни вичиз гзаф келзавайбуру ва амадагар авай Дагъустан Республикадани машгъур я.

Лагъана кланда, «Самур» газет Сулейман-Стальский районда виридаз сейли ва клан я. Чи райондай гзаф писателри, шаирри газетдихъ галаз алакьа хуьзва. Лагъана кланда, газетдин редактор Седагет ханума СтIал Сулейманан райондихъ галаз сих, дуствилин алакьа



хуьз гзаф йисара я, са шумудра ам чи райондиз мугъманни хъана.

Дагъустандин халкъдин шаир, XX асирдин Гомер СтIал Сулейманан тIварунихъ галай райондин администрацияди, депутатрин Собраниди, яратмишдай интеллигенциядин векилри, вири районгълийри «Самур» газетдин 30 йис тамам хъун адан коллективдиз, редактор Седагет Керимовадиз, газет келзавай вирибуруз риклин сидкъидай мубаракзава.

Ваз асирдин юбилей кьейдай югъни акурай, Самур вацлу кьве патал пайнавай къадим лезги халкъ сад ийизвай «Самур»!

Хазран Къасумов, РФ-дин журналистрин ва лезги писателрин союзрин член

Декабрдиз кваллахар акъалтIарда

«Къуредин хабарар» газетдин редакциядиз Къасумхуьрелай тир 17 касдин къулар алаз чар атана.

– Къасумхуьрел хъвадай цин цийи турба тухуз гзаф вахт я. А кваллахар мус акъалтIарда? – хабар къазва чарчел къулар чIугунвай агъалийри.



Гъурметлу редакциядиз чар кхъенвай юлдашар! Къасумхуьрел хъвадай цин цийи турба тухвана акъалтIарунин месэла райондин хъыз, республикадин руководстводин кьетген гуьзчивилик ква. ИкI, мукьвал тир йикъара райондиз ДР-дин Гъукуматдин Председателдин заместитель Нариман Абдулмута-либов атана, и месэла ахтармишна. Малум хъайивал, вичин яргъивал

70,89 километр тир турба тухунин кваллахар 97 процентдин гъазур хъанва. Хуьрун кьенепата турба тухвана куьтягънава, 5000 кубический метр яд гъакъдай кьве чанни эцигнава. Мукьвал йикъара турбадиз яд ахъайда ва ам ахтармишда.

Къасумхуьрел цин цийи турба тухвана алай йисан эхирдалди куьтягъун лазим я.

Чирвилер гудай семинар

Терроризмдин идеологиядиз ва экстремизмдиз акси акъвазунин Комплексный план уьмуьрдиз кечирмишунин сергъатра аваз районда чирвилер гудай выездной семинар киле фена. Ам ДР-дин жегъилрин крарин рекъай министрстводи «Патриотъ» общественный объединенийрин Ассоциациядин, райондин образованидин управленидин, спортдинни туризмдин ва жегъилрин крарин рекъай Комитетдин куьмек галаз тешкилнавайди тир.

Уважаемые жители района!

ООО «Касумкентсервис» сообщает, что с 1 января 2023 года, при образовании задолженности за услугу ТКО (твёрдые коммунальные отходы), на основной долг будет начисляться пеня в соответствии с действующим законодательством.

Во избежание начисления пени, просьба погасить имеющую задолженность и в дальнейшем оплачивать услугу ТКО ежемесячно.

Администрация ООО «Касумкентсервис».

Тел.: 8928530-88-41

Цийи рубрика: «Райондин тарих – газетдин чинра»

ЯхцIурни цIемужуьд йис идалай вилик

«Хайи халкъдин тарих тецидайди буьркьуб инсан хъиз я... Тарих гуьзгуб я, фад-фад адаз килиг. Тарих миллетдин лап чIехи тербиячи я...» – кхъенва Забит Ризванован «Весида».

Тарих авачирдахъ, мисалда лугъузвайвал, тележегни жедач.

Газет келзавайбурун тIалабунар фикирда къуналди, чна «Къуредин хабарар» газетдин чинра «Райондин тарих – газетдин чинра» цийи рубрика ачухзава. И рубрикадик кваз чна вилик йисара чи газетдин чинриз акъатай макъалаяр бинедиз къачуна, районда виликан жуьреба-жуьре йисара киле фейи лишанлу вакъияяр рикIел хкида.

Зи гъиле 1964-йисан 3-ноябрдиз (саласа) акъатай «Коммунизмдин гатфар» газет ава. Адай малум жезвайвал, Къасумхуьрун консервиардай завод Дагъустандин консервтрестдин гъилий-гъилиз кьведай Яру пайдахдиз лайихлу хъана. Пайдах заводдин директор Р. Расулован Дагъустандин недай-хъвадай шейърин промышленностдин работникрин обкомсоюздин председатель Чан-

каева вахкана.

Газетдин нумрада «Чна цийи агалкъунар къазанмишда» кыл алаз заводдин директор Р. Расулован гегъенш макъала, гъакни заводдин производстводин кIвенкIвечияр тир Г. Юзбеговадин, П. Лукъманован, И. Гъажибеговадин, М. Абдулгъамидован ва З. Устаеван шикиларни ганва.

Макъалада кхъизвайвал, «завод тешкил хъана 32 йис алатнава.



Заводди 26-октябрдалди 6 миллионни 100 агъзур банка консервиар гъасилуналди, йисан план 9 вацранни 26 юкьуз ашIурна. Им шаз заводди гъасилайдалай 2 миллионни 145 агъзур банка консервиар артух гъасилина лагъай чIал я».

Мадни, макъаладай малум жезвайвал, завод агалкъунари Вирисоюздин пуд лагъай премиядизни лайихлу хъана.

Хазран Къасумов

Чи аялрин агалкъунар

Райондин школайра келзавай гзаф аялри гъам района, гъамни республикада киле тухузвай олимпиадайра, конкурса, конференцияра иштиракзава, анра агалкъунар къазанмишуналди, райондин тIвар яргъарани машгъурзава. И кар къалурзавай кьве мисал агъадихъ гузва.

И йикъара 8-9-классрин аялрин арада Дагъустандин халкъдин шаир Фазу Алиевадин яратмишунриз талуькарнавай республикадин конкурсдин нетижаяр къуна. Конкурса чи райондин Герейханован 2-нумрадин юкьван школадин ученица Фатима Абдулвагъабовади иштиракна. «Любовь, как знамя» тIвар алай сочиненидай адаз 2-чка гана.

Алатай гъафтеда «Шаг в будущее» тIвар алай XXVIII-жегъилрин ахтармишунринни илимдин конференция киле фена. Конференциядин килин тема «Естественные науки и современный мир» тир. Ана КIварчагърин юкьван школадин ученица Марият Шамсудиновади «Влияние внешних факторов на эмаль зубов» илимдинни ахтармишунрин кваллах хвена ва адаз 3-чкани гана.

Лена Саидова



ГЪУЪРМЕТЛУ ЮЛДАШАР!

2023-йис патал «КУЪРЕДИН ХАБАРАР» газет кхъин давам жезва.

Индексар:

Йисанди – 63323

6 вацранди – 51369

Газет подписка авун патал агъадихъ галай кIиметар тайинарнава.

Почтуна ва адан чкайрал алай отделенийра:

Йиса – 701,86 манат;

6 вацра – 350,88 манат

Редакцияда:

Йиса – 300 манат;

Редакциядай газет кхъидайбурувай пул чкадал къабулда.

Вини-СтIалрин юкьван школадин муаллимрин ва техработникрин коллективди **Ярагъмедова Инжихалум** кечмиш хъунихъ галаз алакьалу яз гада Абдурагъманаз, вахан гада Зуриказ, абурун хизанриз ва мукьва-кылийриз башсагълугъвал гузва.

«КЮРИНСКИЕ ИЗВЕСТИЯ»

(на лезгинском языке)

Тешкилатчи: Сулейман-Стальский райондин администрация

Кылин редактор **А. М. Мирзалиева**

Редакциядин ва издателдин адрес: 368760, Къасумхуьр,

СтIал Мусаибан куьче, 3. Телефон: 3-41-65

Печатдин кIвал

Газетдин электронный почта kizvestiya86@mail.ru

Газета зарегистрирована Южным окружным межрегиональным территориальным управлением по делам печати, телерадиовещания и средств массовых коммуникаций, регистрационный номер ПИ №10-4325 от 28.01.2002г.

Редакциядинни макъалайрин авторрин фикирар сад тахъун мумкин я. Макъалайрин, абура гъизвай делилрин дуьзвилин патахъай жаваб авторри чни гуда. Макъалайриз рецензияр гуьзвач ва абур элкьвена вахкузвач. Чап ийиз вахкудай вахт 15:00. Чап ийиз вахкана 10:30 Газетдин индексар: Йисан – 63323; Зур йисан – 51369 Газет йиса 52 сеферда акъатзава. Гъ – И лишандик квай материалар гъакъидихъ чапзавайбуру я. 12+ - Икьван яшар хъанвайбуру кIелрай. Газет ООО «Типография-М» типографияда чапна, 368600, Дербент шегъер, С. Къурбанован куьче, 25. Тираж 1450. Зак. №